



PERDANA  
LEADERSHIP  
FOUNDATION  
YAYASAN  
KEPIMPINAN  
PERDANA

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	Utusan Malaysia
Date	22/8/2013

# PM beri sokongan penuh PPPM 2013-2015

UM- 22/8/2013

PUTRAJAYA 21 Ogos - Perdana Menteri, Datuk Seri Najib Tun Razak berkata, beliau memberi sokongan penuh kepada Pelan Pembangunan Pendidikan Malaysia (PPPM) 2013-2025 yang bakal dilancarkan bulan depan.

Menurutnya, kerajaan akan meneruskan agenda pendidikan tersebut yang merupakan pendekatan terbaik bagi membawa pen-

didikan negara ke tahap antara-bangsa setanding dengan negara-negara maju lain.

"Saya akan sokong blueprint pendidikan diteruskan dan saya akan membantu apa yang sudah dirancang," katanya dalam ucapan ringkas sempena majlis Rumah Terbuka Aidilfitri Kementerian Pendidikan di sini hari ini.

Yang hadir sama, isteri Perdana

Menteri, Datin Seri Rosmah Mansor; Timbalan Perdana Menteri, Tan Sri Muhyiddin Yassin dan isteri, Puan Sri Noorainee Abdul Rahman.

Pelan Pembangunan itu yang diumumkan sendiri oleh Perdana Menteri pada September tahun lalu merupakan pembaharuan yang bakal dilakukan kepada sistem pendidikan negara dari tahun ini sehingga 2025.

Pelan tersebut yang menggantikan Pelan Induk Pembangunan Pendidikan (PIPP) bagaimanapun mendapat tentangan sesetengah pihak yang tidak berpuas hati antaranya Persekutuan Persatuan-persatuan Lembaga Pengurus Sekolah Cina Malaysia (Dong Zong) yang menyifatkan pelaksanaan pelan tersebut akan menghapuskan bahasa Cina.

Namun, kenyataan tersebut di-

bidas Timbalan Perdana Menteri dan menegaskan kerajaan tidak akan tunduk terhadap sebarang desakan memansuhkan pelan yang akan mentransformasikan sistem pendidikan negara itu.

Muhyiddin menegaskan, pelan tersebut bertujuan meningkatkan mutu pelajaran di sekolah kebangsaan di mana bahasa pengantar-nya merupakan bahasa Melayu.